


主编 王明达 副主编 王明达
副主编 王明达

清朝治理新疆方略彙编

新疆人民出版社





主編 張羽新 趙曙青
副主編 張雙志

清朝治理新疆方略彙編

第二輯

學苑出版社

出版說明

《欽定平定回疆剿擒逆裔方略》八十卷，曹振鏞等於道光九年（一八二九年）奉敕編纂。道光十八年（一八三八年）成書。有道光間武英殿刊本、京版本。

該書收集了在平定回部張格爾叛亂過程中皇帝的諭旨、奏疏、公牘、平定張格爾的軍事活動等，按時間順序編輯成書。時間起自道光六年（一八二六年）六月迄道光七年三月。書中詳細記載了張格爾與安集延等由開齊山入境，進行搶劫殺戮，並攻占喀什噶爾、英吉沙爾、葉爾羌、和闐四城。清廷派大學士長齡為楊威將軍，經過一年爭戰收復了喀什噶爾等四城，並擒獲張格爾。

本書據道光刻本影印

第八册目录

平定回疆剿擒逆裔方略（一）

欽定平定回疆勦擒逆裔方略卷之三十

道光六年冬十月辛亥

訓諭運糧撥餉事宜

烏魯木齊都統英惠奏言臣前經奏明在於鎮

迪所屬籌撥糧三十萬石以備大營兵糧曾准

鄂山札稱如口外車駝不敷轉運卽咨內地籌

撥協濟並令臣札商彥德將塔爾巴哈臺官馬

平定回疆勦擒逆裔方略卷三十

牛隻並土爾扈特等自畜駝隻分別撥用雇用

較爲省便臣思大營官兵雲集不下四萬名每

月需用糧一萬五六千石以現設之十二臺滾

運每臺必得駝二千五六百隻按月計算周轉

三次庶可輓運足用茲鎮迪道所屬商民車駝

前次應付征兵載軍裝等項雇用一空至今

均未轉回現在各臺祇有駝五六百隻雖已運

過糧一萬餘石覈計所運之數不敷甚多現咨

鄂山卽在口內星速籌備駝二萬隻委員解送

前來趕緊運供一面與彥德札商雇用該處蒙

古駝隻仍飭屬再行設法籌雇商民車駝俾資

輓運至吐魯番地方前經楊遇春等先後奏令

鎮迪道湯鼐前往分駐督辦各路官兵過境應

支口糧料草事務但該處現有駐劄領隊大臣

平定回疆勦擒逆裔方略卷三十

及同知等官足資經理而現在撥運大營糧石

數至三十萬石之多計程三十餘站之遠分段

設臺節節滾運亟須隨地隨時嚴密督飭托克

遜臺爲兵行糧運必由之路現飭該道移駐該

處催運並照料官兵過境再臣與長齡先後奏

請由陝甘等處調撥銀一百萬兩前來備用迄

今尙未解到現在應發運糧腳價並阿克蘇咨

調軍裝帳房及採辦自哈密迤西至阿克蘇過境官兵馬匹料草用款浩繁立候支發今所調餉銀未到均係那款墊用將來一百萬兩全數解到除歸補各款外所餘亦屬無幾臣又谷那山俟各省銀兩解到時再撥銀二百萬兩陸續飭解前來備用將來有餘存即可留抵本處兵餉於

帑項仍歸有著而軍需支發可資儲備

英惠又奏言查各路官兵馬匹出口至哈密迤西應需料草經楊遇春飭委鎮迪道湯鼐親往吐魯番籌辦嗣甘州官兵到來該道將吐魯番一帶應備官兵馬匹料草督飭該處同知妥爲供支其喀喇沙爾庫車等處係屬隔境當由該道咨照各城大臣一體豫備茲接據各城大臣

先後來咨以回疆地方料石草束無多供支甘州官兵馬匹過境已屬不敷此後大兵接踵而來實難備供咨令臣轉飭籌辦查軍需則例載官兵騎獸馬匹出口以後隨地牧放概不支應料草第口外地方多係戈壁卽間有水草之處相距大道較遠官兵由口內遠來星馳進剿若令其繞道牧放馬匹轉滯行程且不足以示體恤况邊地早寒一經秋令草漸枯黃尤難牧放臣未敢拘泥成例致有遲誤所有吐魯番一帶係據鎮迪道議稱口內地方官供應之餉每匹日支十斤重臣一東料三倉升按站供支今喀喇沙爾庫車二城既以地方僻小料草不敷備供臣惟有由烏魯木齊籌辦除吐魯番一帶卽飭該同知妥爲豫備外其喀喇沙爾至阿克蘇

道路既通籌備不易飭委章京慶雲署阜康縣知縣周慶會先在烏魯木齊所屬趕緊採辦料石再於沿途體察情形購買草束按站儲備計抵阿克蘇大營為止仍移咨喀喇沙爾庫車二城辦事大臣一體委員按站幫同照料並飭鎮迪道移駐托克遜地方督飭辦理以期無誤所有此項採辦價值運費懇

平定回疆剿擒逆裔方略卷三十一

五

恩均准覈實報銷其官兵應支馬乾仍照口內供支之例咨照各本營扣缺造報以節經費均奏入上命軍機大臣傳諭英惠鄂山盧坤日糧臺供支一切用度繁多固應寬爲籌撥惟軍行久暫不能豫定斷無用銀二三百萬一時運送兩年兵糧之理卽據該都統奏官兵到齊不下四萬每月需糧一萬六千石縱再加以官弁跟役人等以五萬人計

口授食亦不過每月再加數千石足敷支放其轉運駝隻何以需用二萬無論購備維艱亦足見該都統籌算未能切當昨據鄂山等奏已於七月九月間分起解送銀一百萬兩計可陸續到彼此後鄂山等惟當體察情形源源接濟所有京外撥解銀兩豈能盡歸烏魯木齊一處俟其多餘留爲兵餉耶又據奏官兵騎馬匹出口例不支應料草此次官兵由口內遠來天寒草枯難令收放自係實在情形所有出口各路官兵馬匹至哈密迤西准照口內地方供應之例每匹日支草十斤料三倉升按站供支現經該都統將吐魯番一帶所需料草飭令該同知妥備其喀喇沙爾至阿克蘇一帶派令委章京慶雲阜康縣知縣周慶會採辦並咨喀喇沙爾庫車派員逐站幫同照料著鄂山等

平定回疆剿擒逆裔方略卷三十一

六

體察情形如該三員未能籌辦裕如卽當添派妥員前往幫同購辦英惠等經朕委任自必力圖撙節惟向聞烏魯木齊習尚繁華該都統所用委員既多未必人人可信或不免有藉端浮混之弊當隨時嚴密查察無任稍有言濫總之口外各路糧臺轉運一切事宜須由甘肅總局覈實定斷不得各行奏請轉致歧誤所有分段派員若干何員經理何事之處均應詳悉造具名冊咨報鄂山盧坤總辦軍需局以備查考如朱錫爵張文浩等皆不得經手錢糧也

壬子

派兵防守吐魯番等處

奏贊大臣署陝甘總督楊遇春奏言臣於十七日行抵吐魯番察看地方回民尙屬安靜惟係

新疆各城扼要之地亦應留兵防範格布舍所

帶寧夏滿漢兵一千五百名已咨會該將軍於

滿洲兵內挑選尤爲精銳者一百名令之寧夏

綠營兵共一千一百名仍令管領隨進其餘滿

洲兵四百名派得力協領管帶留駐吐魯番歸

廣音岱督率防守巴里坤地方現在該鎮標營

官兵除奉調出征並各處當差外城內存兵無

多撫綏彈壓亦關緊要已飭令多隆武仍同本

任英惠前派駐守吐魯番之烏魯木齊兵二百

名此時有寧夏滿洲兵四百名足資防守此項

官兵未便留駐糜費已令就近撤回臣布置後

卽於十八日起程前進一面飛催後路官兵隨

程跟接巴哈布帶領土爾扈特和碩特蒙古兵

已於九月初八日由阿克蘇撤回喀喇沙爾可

奏入

資保護其庫車地方前留巴里坤古城滿洲綠營兵一千名旋因阿克蘇堵剿兵單撤令前往但該處西南正南有通葉爾羌和闐及都齊特臺戈壁捷徑仍應酌留重兵防守臣擬令格布舍帶領寧夏滿洲綠營兵一千一百名暫駐庫車彈壓後路官兵趕到或更替格布舍帶領此兵前進或毋庸更換俟與長齡會商再行酌定

上命軍機大臣傳諭長齡楊遇春並諭格布舍日據楊遇春奏咨會格布舍將所帶寧夏漢兵一千名並於滿洲兵五百名內挑選尤為精銳者一百名管帶隨進擬令暫駐庫車彈壓其餘滿洲兵四百名派得力協領管帶留駐吐魯番所奏甚是吐魯番係新疆各城扼要之地著留駐寧夏滿洲兵四

百名歸廣音岱督率防守巴里坤總兵多隆武著仍回本任前派駐守吐魯番之烏魯木齊滿洲兵二百名著卽就近撤回前有旨將格布舍調補烏里雅蘇臺將軍著帶領寧夏兵一千一百名暫駐庫車彈壓俟那彥寶到任後將前項官兵交那彥寶帶領巡防該將軍卽前赴新任庫車正南西南有通葉爾羌和闐及都齊特臺戈壁捷徑防範尤關緊要著長齡楊遇春體察情形或另派帶兵委員前往會同那彥寶防守或卽於管帶此項官兵將領內擇其夙嫻軍旅者責成幫辦

楊遇春又奏言吐魯番額定駐防官兵共七百餘員名向由陝安漢中二鎮屬官兵內選派更換查現在駐防官兵多係從前隨臣曾經戰陣打仗勇往者臣未到之先廣音岱於此項官兵

內已挑備三百餘員名聽候調遣臣因此處現需酌留兵力協同防守未便儘數帶往茲於該大臣挑就官兵內酌帶把總二員兵一百名其餘防兵六百餘名合之留駐寧夏滿洲兵四百名並該處原有滿洲兵三百名共兵一千三百餘名足資守衛奏入報

聞

平定回疆勦擒逆裔方略卷三十

十一

烏里雅蘇臺將軍格布舍疏奏帶兵由哈密前往吐魯番駐劄

格布舍奏言遵

旨帶領寧夏涼州莊浪滿洲營暨寧夏鎮標兵二千前往哈密豫爲防範行抵安西州所屬馬連井子地方接准揚揚遇春札稱將所轄涼州莊浪滿洲兵五百名留於哈密並派得力之協尉統轄

防護交與恒敬備用調遣其餘寧夏滿洲兵五百名鎮標兵一千名仍交格布舍帶領前進等因臣於九月十八日行抵哈密將涼州莊浪營官十七員兵五百名派涼州協領八十四帶領歸辦事大臣恒敬管轄臣仍帶領寧夏滿洲兵五百名鎮標兵一千名於本月二十日由哈密起程前往吐魯番駐守奏入報

聞

平定回疆勦擒逆裔方略卷三十

十二

命護侍衛固英阿貴成職

奏贊六臣山東巡撫武隆阿奏言臣帶領侍衛京兵內

乾清門二等侍衛固英阿前於豫省安陽縣屬地方因伊跟役搶取食物毆打辦差家人當發交該縣枷責示衆並查明該侍衛雖不知情究屬

失察從寬記過理應加意小心乃昨抵甘肅永昌縣住站該侍衛因爭索飯食竟親赴庖廚打散廚役自行搜取食物罔顧體統次日住宿山丹縣該侍衛復赴該縣署中索要騾價恣意肆鬧正在具摺奏聞又據容安揭報所帶二起官兵內有侍衛貴成節次縱容跟役滋擾多事經容安飭伊將跟役懲處並向該侍衛剴切勸導無如貴成置若罔聞近於住站平涼縣地方因該縣未會另備公館自行鞭責差家人跟役祿兒又詐稱遺失馬鞍不見向該縣索鬧踢傷家丁戮傷差役現將該跟役移交臬司究辦

臣查該侍衛等不知安分妄滋事端請旨將該侍衛貴成固英阿二員暫行退出御前

乾清門革去頂帶留於軍營效力儻再不知警畏卽行奏明從重嚴懲至甘省地方瘠苦倍於他省此時大兵絡繹頗費支持臣自入甘肅境後尤刻刻嚴禁官兵跟役以及隨帶家丁除照例供支之外不准絲毫擾及現在行走均尙安穩迅速計四五日內卽可馳抵肅州出關西進奏入

上諭內閣日乾清門二等侍衛固英阿御前頭等侍衛貴成任性妄爲本應按軍法嚴懲念係行軍之始固英阿貴成俱著從寬革去侍衛作爲披甲交武隆阿帶赴軍前打仗效力如再不知愧奮卽奏明從重治罪臣據實揭報武隆阿僅請革去頂帶未免失之輕縱嗣後該參贊務當破除情面再行諭飭該侍衛官兵等各宜凜遵紀律安靜進行

現值大兵絡繹出關經歷軍臺回部地方尤當嚴明約束除照例供頓外不得絲毫擾累如再有敢違犯者卽著嚴行叅奏悉照軍法辦理不能再邀寬典也

甲寅

諭揚威將軍大學士長齡等偵探賊情分兵兜剿

長齡奏言 臣 疊次恭奉

平定回疆剿擒逆裔方略卷三十一

五

諭旨以巴爾昌捷路可派奇兵進剿查巴爾昌草地

一路不惟烏什之巴什雅哈瑪山可以行走卽

阿克蘇之柯爾坪等處亦可通達但山路偏僻

糧運維艱誠如

聖諭非若巴爾楚克出樹窩子至喀什噶爾爲回民

往來熟徑可比 臣 抵阿克蘇俟楊遇春等所帶

官兵到後如有機會可乘探準賊情酌分叅贊

一人潛率奇兵裹帶軍火口糧由巴爾昌抄轉

會合或由樹窩子再分一路兩面夾擊痛加殲

剿臨時計算萬全相機辦理再行專摺入告至

張格爾有無親屬子姪現居何處屢經訪詢或

稱巴布頂前年染患瘟疫在伊妻父家病故至

玉素普早已潛赴布噶爾部落久無音信又稱

張格爾有女無子家屬現被浩罕拘禁是否實

平定回疆剿擒逆裔方略卷三十一

六

情俟 臣 至阿克蘇後詳細訪查確實再行具奏

又奉

諭旨以伊犁官兵何以不如民遣健勇敢戰查伊犁

官兵技藝嫻熟入亦強壯惟生長口外從未經

歷行陣且帶兵大臣祥雲保碩隆武亦未經軍

旅臨敵察看地勢分派衝敵抄截機宜全未知

晰一經游移恐致失手鄉勇會歷行陣多係川

陝楚之人雖無紀律每遇打仗一力直衝後有官兵接應往往獲勝前次慶祥帶去官兵二千名僅餘額爾古倫等數百名退回雖賊勢甚衆究亦兵生之故額爾古倫等在喀什噶爾自六月十四日至二十二日連次接仗已知得失之勢故於阿克蘇兩次獲勝是其明驗今_臣等齊集一處嗣後接仗總須生熟官兵相兼派用冀可得力再查官兵口糧運腳二項_臣前已移咨鄂山速籌餉銀數十萬兩專員徑運阿克蘇以便支放官兵鹽菜之用將來大兵進剿或分二路三路不定彼時官兵口糧自應各按各路撥運而運腳一項所需甚大卽以一兵計之每月應支口糧四十五斤統計大兵三萬數千每月卽當撥運口糧一百數十萬斤源源接濟運價

皆應豫備_臣又飛咨鄂山盧坤趕緊籌款迅速運赴阿克蘇庶臨時酌定分路供支不虞缺乏_臣現由那拉特草地於本月十六日繞出喀喇沙爾大道計程月杪月初可抵阿克蘇再固原提督楊芳輕騎兼程行走於本月十八日馳抵庫爾勒軍臺與_臣會晤現飭同赴阿克蘇俾可一路商酌軍務

長齡又奏言查邁哈默特鄂對前於八月二十日經長清等派令叅將存柱押解起程因病遲緩於本月初四日將該伯克及六品伯克庫圖魯克跟役回子七名一併解到_臣隨於途次訊問邁哈默特鄂對伏地碰頭極其悚懼據供身犯大罪萬死莫贖只因一時糊塗貪生求命六月二十二日張格一萌攻破回城若不順從必然

殺害不能回來報信是以差了沙雅爾阿渾先見張格爾的人說情願投順隨後張格爾叫回阿克蘇約同衆伯克回子造反若不答應仍屬不妥遂俱應允並措給元寶十五箇又送伊帳房馬匹槍刀始肯放回等語臣按照塔什浪愛里所供各情詰訊該伯克一一承認詰其已經回到阿克蘇因何又給張格爾送信據供彼時各處官兵均未到阿克蘇僅有數百名官兵駐劄張格爾派來押送的阿渾要探聽官兵實信遂用紙條書寫伊犁烏魯木齊派來官兵八千一二日內可到現被拏獲實在不能替和卓糾約數語交邁瑪得里等送去實非甘心從逆復將帶來伯克回子等隔別研訊僉稱該伯克畏死情真實無糾約謀叛之事查邁哈默特鄂對

自七月十九日逃回阿克蘇卽經長清拘留署內今又解赴伊犁已將兩月該處回戶以及該伯克族黨均屬安靜是其無煽惑之處似尙可信且前接長清信稱八月二十二三日擊敗賊匪之後拏獲餘賊搜出回子信字五件譯看葉爾羌僞伯克博巴克給伊弟阿布都爾滿信內卽有問阿克蘇來了官兵八千之語亦與該伯克所供似相脗合臣卽將前次奏片面爲告知革去翎頂令其隨營效力據邁哈默特鄂對痛哭碰頭必欲商同伊薩克設法生擒張逆以圖報效感激似出至誠惟有隨時留心查察如該伯克愧奮出力設法擒渠事竣另行聲明請旨覈辦儻敢再懷反側卽當立予正法不稍寬縱至所遺貝子世職遵

旨卽令伊薩克承襲先換頂帶調鞏阿克蘇阿奇木

伯克所遺沙雅爾阿奇木伯克一缺請

旨卽以巴彥岱補授臣仍當隨時駕馭密加防範俾

令其安撫回衆以靖地方均奏入

上命軍機大臣傳諭長齡並諭楊遇春武隆阿曰長

齡由那拉特草地於九月十六日繞出喀喇沙爾

大道計九月杪十月初可到阿克蘇楊遇春於九

平定回疆勦擒逆裔方略卷三

三

月十七日抵吐魯番計遲到不過旬日武隆阿計

程亦十一月中旬可到一俟兵力壯盛糧餉敷足

該將軍當與楊遇春等熟商進剿惟用兵之道首

貴多設間諜隨時偵探俾賊情瞭如指掌方能所

向克捷該將軍等久歷戎行自己早已早爲籌辦並遵

歷奉諭旨明張告示曉諭各回莊及布魯特等懸

賞購線解散黨羽收爲我用計逆回滋事已閱數

月長齡本係伊犁將軍有統轄八城之責現在西

四城內惟和闐失守已有逃兵供明月日可憑此

外三城杳無信息究竟該三城是否失守係何月

日慶祥等作何下落現在某城係某賊首佔據本

劣克及各布魯特等會否進卡滋事賊黨及從逆

回莊究有若干從張逆滋事者究係卡外帶進抑

全係各本城從逆回子均應確切探明方可審度

平定回疆勦擒逆裔方略卷三十

三

進剿至進兵時分奇正兩路武隆阿熟悉回疆情

形當由捷徑帶領奇兵先赴喀什噶爾以截其後

楊遇春當由臺站正路統領大兵沿途勦辦以出

其前長齡卽可同楊遇春作爲一路或稍分前後

亦可總須探明各城情形進兵路徑臨時相機辦

理並於齊慎楊芳及其餘帶兵得力大員內選定

分派多爲接應嚴防後路其樹窩子一路係該處